

此書片先生著作也為宋壽階手鈔有自節堂  
書板多殘壽階當時名流多不與之往來所遇  
書籍書畫亦不惜重值換覓以故五研樓頗  
有名於時今此書亦是伊家故物之寶也  
同治丙寅秋九月孝陽後三日書此紫瑤記

故資政大夫刑部尚書魏敏果公事狀

公諱象樞字環極其先江南鳳陽人明永樂初從軍北  
行以武功顯授明威將軍隨代王之國大同家焉其子  
孫遷於蔚州數傳至公曾祖諱官祖諱九經考諱卿字  
新城主簿兩世並贈資政大夫刑部尚書妣李太夫人  
生二子公其仲也崇禎十五年膺鄉薦明年入京會試  
聞大父有疾不及試而歸流賦陷山西鄉士大夫多汚  
偽命公奉母匿山洞中以免我朝順治三年登進士  
第選庶吉士明年改授刑科給事中公性骨鯁敢言事  
尤注意於當世人材賢不肖治術得失民生休戚故其

所陳○本○末○瞭○然○是○是○而○非○非○必○盡○意○乃○止○在○刑○科○時○  
上○疏○言○督○撫○按○聽○用○之○官○舍○太○雜○道○府○州○縣○之○胥○隸○太○  
濫○宜○加○裁○汰○報○可○五○年○轉○工○科○右○給○事○中○劾○安○徽○巡○撫○  
王○儂○狗○庇○受○賄○事○ 詔○降○儂○三○級○用○七○年○轉○刑○科○左○給○  
事○中○八○年 世○祖○親○政○上○疏○言 聖○政○日○新○聰○明○日○  
進○啓○沃○之○責○端○賴○輔○臣 聖○躬○宜○慎○起○居○不○當○輕○出○  
閒○有○臨○幸○輔○臣○宜○隨○侍○法○從○因○事○納○規○以○盡○保○傅○之○責○  
更○請○妙○選○儒○臣○置○諸○左○右○備○顧問○注○起○居○報○聞○又○因○災○  
變○陳○言○語○侵○用○事○大○臣○益○切○下○部○院○科○道○議○左○給○事○例○  
不○與○議○公○固○以○請○許○之○公○與○諸○大○臣○抗○辨○是○非○無○少○誣○

在○廷○者○多○側○目○公○獨○大○學○士○范○文○肅○公○心○識○之○曰○直○哉○  
此○我○國○家○任○事○之○臣○也○其○後○遇○有○構○公○者○輒○於○衆○中○剖○  
析○之○卒○得○白○自○文○肅○去○位○而○公○亦○不○能○安○其○職○矣○時○有○  
司○有○以○私○徵○坐○罪○者○公○上○疏○極○陳○其○弊○請○飭○州○縣○各○依○  
易○知○單○造○格○眼○冊○注○明○人○戶○姓○名○糧○銀○款○目○及○蠲○徵○實○  
數○呈○大○吏○覈○驗○印○發○開○徵○又○請○定○藩○司○會○計○之○法○立○內○  
外○官○治○事○之○限○皆○報○可○九○年○轉○吏○科○都○給○事○中○十○年○大○  
計○上○疏○言○言○官○糾○拾○之○例○宜○復○雖○失○實○不○當○反○坐○下○部○  
議○著○為○令○時○言○官○吳○拜○吳○達○以○言○事○得○罪○公○疏○言○  
皇○上○以○開○言○路○為○心○向○來○言○有○可○行○者○未○嘗○不○采○其○言○

言有不可行者亦未嘗輕棄其人所以滿漢諸臣大作  
敢言之氣近日乃有一言不當問擬大辟者誠恐言路  
諸臣明知言者得罪不言者無罪以惴惴畏罪之心結  
成鬱鬱絀口之象亦言路之大可羞也夫人臣之罪莫  
大於懷偏私納賄賂若一言不當遽擬重辟何以處貪  
贓壞法挾怨報仇者臣謂失言之罪莫過溺職宜下吏  
部以考功之法處之貪贓壞法挾報仇是為不法乃下  
刑部以司寇之法罪之如是則法紀當職業明矣 詔  
下部知之因奏白順治四年糾拾被譴吏科給事中劉  
捷寃得 旨復職是年九卿科道會議總兵官任珍落

職怨望罪大學士陳名夏等漢官二十八人別為一議  
章下所司科臣坐狗黨擬流有 旨但予降罰留原任  
公供職如故明年大學士寗完我疏列陳名夏罪狀辭  
連公切公誤劾司官錢受祺擅委中軍部議降級名夏  
票改罰俸至是謂公與名夏子婦家牛射斗為姍親名  
夏用是黨護及逮問公實不識牛斗遂免議旋有 旨  
以名夏父子濟惡言官不先事奏發六科之長皆錮秩  
一級降公詹事府主簿稍遷光祿寺丞十六年以母老  
乞<sup>歸</sup>康熙十一年母憂服除用大學士馮文毅薦授貴州  
道監祭御史滿歲晉四品京秩仍掌御史屢有陳奏請

申督端互糾之令以懲貪旌廉吏以善治停正月開征以蘇民困修禮書以一風俗加俸祿以厚廉恥下部議頗見施行尋遷左僉都御史明年二月遷順天府尹四月轉大理寺卿七月擢戶部右侍郎十二月轉左侍郎會西南用兵上籌餉三疏一確審價值以清浮冒一嚴覈關稅以防侵漁一慎用藩司以清錢糧 聖祖然其言十七年授左都御史上疏言 國家之根本在百姓百姓之安危在督撫願諸臣為百姓留膏血為國家培元氣臣不敢不為 朝廷正紀綱為臣子厲名節詔以其言宣示中外公自初為言官即以進賢退不

貞節堂表氏鈔

肖自任及後再起益嚮用自任亦益力順治中御史郝浴巡按四川疏劾吳三桂驕橫狀三桂奏辨浴坐罪流盛京及三桂反公三疏白其寃卒以原官召嘉定知縣陸隴其治行第一以盜案註誤公復三疏薦之仍起知靈壽縣會 詔舉博學鴻儒公以卑振姬湯斌等五人應先後所薦王天鑑宋文運高珩達哈塔蕭維豫張沐于成龍等並有名蹟海內推為知人其掌都察時刻鎮江知府劉鼎絳州知州曹廷俞酷罪奏學道賢者勞之辨邵嘉參劣者盧元培程汝璞 詔用其言或遷或斥大小之吏肅然警動矣會磨勘順天鄉試卷陳科場

八弊荷設內簾監試御史以重關防又陳學政六弊請  
據爲三年考覈之實下廷議並著爲令明年春二月  
內殿奏對畢 聖祖賜御書又特書清慎勤三字以  
賜 諭曰以爾居官克稱此三言故以賜爾頃之遷  
刑部尚書公言臣忝任風紀職多未盡敢援漢臣汲黯  
自請爲郎故事辭新命仍現所領職冀得拾遺補闕  
之仍加刑部尚書銜其年七月京師地震時大學士索  
額圖明珠方樹黨招權利廷臣莫敢言公奏言地臣道  
也臣失職則地反常臣總憲綱答實在臣願賜罷斥  
聖祖立召見公伏地流涕言時政闕失乃索額圖明

貞節堂袁氏鈔

珠挾私市權所致乞重譴二人以消天變 聖祖尋  
下詔切責諸臣令勉圖省改二人皆惕息十九年仍授  
刑部尚書公在職持守不撓嘗言刑所以遏惡也惡者  
衰善者遂矣散法以縱姦善者奚勸焉書曰茲用不犯  
於有司恃吾有不可犯之法耳尋 命偕吏部侍郎科  
爾坤巡察畿輔還報稱 旨三十三年以病乞休許之  
比行命三八朝賜 御書寒松堂額及古北口詩一卷  
寵其歸二十五年卒於家年七十一自公密奏索明二  
人罪明年秋索額圖致政二十七年春明珠亦爲僉都  
御史所劾去政府至四十五年春 聖祖始

以公對語 諭羣臣天下莫不頌 聖祖之明而  
服公之蚤有以發之也公平生好讀先儒書其於義理  
之學鑽研不倦與蘇門孫鍾元二曲李中孚及湯陸諸  
公俱通書論學所著有儒宗錄知言錄寒松堂集數十  
卷居官廉餽遺無敢及門其以薦起也度在外無以自  
給不欲出有李恒岳者其妻兄弟也謂曰子在京師日  
費幾何曰日得金一兩足矣恒岳曰然則吾能任之子  
果出而有濟於世吾何愛焉公遂行終公在官無內顧  
之憂者恒岳力也此歸老門庭蕭然獨增書數百卷而  
已公之卒也 賜祭葬如禮謚敏果雍正八年入賢良

貞節堂表氏鈔

祠 聖祖勅諭寒松堂集午亭文編  
懋園集陸清獻年譜望溪未刻彙

故光祿大夫文華殿大學士兼吏部尚書李文襄  
公事狀

公諱之芳字鄴園其先真定棗強人徙濟南武定曾祖  
諱鮮祖諱登雲父諱才望三世俱贈光祿大夫吏部尚  
書公貌修偉美鬚髯自少落落有大志長益練習世故  
沈幾善謀遇大利害不震不撓明崇禎十五年舉鄉試  
入本朝順治四年成進士授金華推官決判如流會  
知縣缺官公剛日理府事彙日理縣事謝請託權豪強  
輯流亡雪冤獄御史按部當慮囚公不攜案牘口占獄  
情纖悉畢具御史以是服其能方修賦役全書一以屬



公書成達部以卓異薦十一年入爲刑部廣東司主事遷山西司員外郎與脩大清律遷湖廣司郎中先是六部設啟心郎總理諸司班侍郎下至是官省不設而刑部案牘最繁無所統且冗不治尚書倚公才請令總理十四司如啟心郎十五年改廣西道監察御史時州縣額徵錢糧多委里戶收解即責令供應官府當之者家立破公切論其弊請立官收官解之法又言外省大吏輕委屬官巡歷州縣借名查勘陰肆侵漁宜行禁革俱下部議行十七年改掌陝西道巡按山西時方遣滿州曹官清核逋欠有司多悉索以待公移牒所屬毋許

苛歛及私通賄賂令下皆斂手奉法明年以停止巡按撤還康熙元年乞假歸明年入朝掌湖廣道五年春旗人以所占畿地多瘠下請易他地有旨遣官查勘公上言農功伊始不宜擾以官事報聞其年秋奉命巡視浙江鹽課到官三日集諸商立發引目省商人規例銀十餘萬兩劾商人汪仲瑛等朋比作奸方按治仲瑛走京師匿給事中汪之洙所公再疏劾之洙坐免還掌河南道事八年聖祖既親政公上疏請甄別督撫大吏其畧曰世祖皇帝賞罰至公其時督撫不敢恣睢自逞猶時加甄別處分故吏道肅清自順

治十八年後。遘用督撫。多恃奧援。賄賂滋章。貪黷無厭。上下相蒙。日甚一日。數年以來。並未以貪縱獲重罪者。至乃粉飾功次。冒濫階銜。副都御史捐銀千兩。即得侍郎。侍郎捐銀千兩。即得尚書。何一非取之百姓者。彼知有貪之利。無貪之害。何憚而不恣乎。又言自順治十八年後。輔政大政。臣始自內直。移居外署。各官所進本章。必待次日詳看。且進呈止有學士。而大學士顧反不與。甚非設官立法之初意。宜令大學士仍在內直。詳看本章。即日稟擬。公同進呈。以杜任意更改之弊。俱報聞下。所司知之。又言勒限緝盜。處分太重。有司往往諱盜。

或誣良爲盜。宜酌復舊例。下部議行。九年陞四品。掌河南道。如故。上疏論吏部考功條例日繁。外官參罰處分日甚一日。即以罰俸論。有蒞任一二年。罰俸至十餘年者。俯仰無藉。勢必取之於民。故貪吏常多而不可禁。且例之所在。不問賢不肖。而但繩之以法。雖廉能之品。一遇細故。亦多註誤。以去賢者。不可多得。來者不必盡賢。徒病民而害政。將焉用之。况例繁則難省。輕重之閒。權歸胥吏。黷貨舞文。何所不至。宜照順治中舊例。其因公註誤者。但令戴罪供職。考功新例。繁令刪除。下所司知之。論大學士魏裔介。以其子嘉蒙混得蔭。下吏部問狀。

以所劾有因議喬介削級罰俸 詔原之十一年遷部  
察院左副都御史再請寬罰俸處分尋奉 命之浙江  
勘抗常巡鹽二御史獄還遷吏部右侍郎十二年改兵  
部右侍郎兼都察院右副都御史總督浙江其年冬吳  
三桂踞雲南反明年春飭所屬嚴海備疏請增設督提  
二標及諸鎮協營兵亡何耿精忠亦踞福州反三月報  
至亟與將軍圖喇會議令副都統吳申提督石調聲統  
滿漢兵一千中軍副將王廷梅統督標兵一千赴衢州  
扼仙霞常山兩路調金華嚴紹興嘉興湖五營兵二千  
三百赴衢協防其溫處及沿海諸要害飭諸將集重兵

爲備遂上疏請 勅江南滿漢兵集界上資聲援調江  
西重兵守鉛山玉山以堵賊並請速發大兵克期援勦  
聖祖乃命都統賴塔爲平南將軍統兵至副都統  
喇哈達領江寧兵赴杭代圖喇公因請給官兵行糧馬  
匹設撥勦三營申嚴軍令散家財募士五百以益兵五  
月與平南移駐衢州時僞將軍馬九玉曾養性等出仙  
霞關陷常山江山開化溫州總兵祖宏勳反應賊台嚴  
紹興金華諸屬縣土賊四起據城爲寇賊遂陷處州分  
兵寇徽州及江西諸州縣七月賊兵數萬犯衢州時大  
兵分路拒賊在衢州者僅三千餘人公與平南普師水

亭門統諸將軍於旣西賊空壁出戰良久退入壁公揮  
兵疾攻之賊復開壁出礮聲震天矢石如雨或勸公少  
避公叱之曰我若貪生誰不惜死敢言退者斬督戰益  
力賊敗遁斬守備程龍以狗以其怯於戰也翼日進兵  
壓賊壘賊氣懾不敢出一夕拔寨遁時賊來自處州犯  
金華副都統吳申連破之擒偽都督嚴標嚴州副將鮑  
虎破賊於壽昌復其城八月遣總兵李榮勦賊於金華  
斬首千餘級擒百五十八人焚其木城副將鮑虎破賊五  
營復淳安總兵李榮破賊於義烏復其城進復東陽參  
將洪起元等破賊於樊江復嶧諸暨衢州兵破賊於石

梁及大溝源陣斬三千八十一月賊自常山及清湖江  
山分衆向衢州連營三十里次於溝溪處州賊復自東  
南來會公遣總兵王廷梅參將范應元等與滿兵分路  
逐賊大敗之追奔二十餘里陣斬萬餘人時賊復先後  
犯金華欲斷我兵餉道李榮等復累敗之賊大蹙降者  
踵繼榮嘗爲總兵失官公所舉以統援勦兵者也是歲  
奉命大將軍康親王至金華寧海將軍傅喇塔至台州  
分兵勦禦復龍游黃岩諸縣十四年二月破賊於衢南  
黃壇口李榮等進兵會副都統喇哈達復永康縉雲遂  
克處州四月復宣平破賊於龍游斬偽總兵繆國英五

月偽將軍馬九玉犯衢州會大雨我兵猝乘之破賊於前嶺追至南塘萬青嶺斬偽官數人八月馬九玉遣兵屯衢北元口山截我餉道我兵夜擊之焚其木城賊遁再敗之河西十五年三月將軍傅喇塔大破賊於溫州會養性遁副將武榮洪起元破賊於開化復其城時溫處餘賊未殄而馬九玉死守河西扼入閩要路別駐兵大谿山通餽餉公謂河西賊破則諸路瓦解閩可計日下欲從間道絕其餽餉顧以兵力不足請調江南防海兵以濟朝議不可八月康親王統兵至衢州公大喜曰賊平矣請於王夜發兵斷賊餉道破之大溪灘復江

山馬九玉則大懼棄營走公別遣兵徇常山絕其援于是平南與喇哈達李榮等進兵取仙霞關偽副將金應虎以其屬降遂入杉關康親王繼進臨行公啓曰王但飭諸軍勿虜掠即長驅入福州兵不血刃矣公仍駐衢州遣兵分勦餘賊復開化及常山亟疏請勅江南江西兵合勦諸逋賊九月復雲和松陽龍泉十月復玉山遂復景寧遂昌慶元及閩之松溪政和是月康親王抵福州耿精忠降時賊將曾養性祖宏勳俱就撫浙東諸州縣悉平而江西諸賊多險阻自固偽總兵馬鵬據德興白沙關尤桀驁公遣兵進勦焚木城六破柵十三禽鵬

斬○之○前○後○降○偽○官○六○千○二○百○餘○人○衆○至○十○六○萬○初○公○在○  
杭○州○與○駐○防○將○軍○約○爲○兄○弟○及○聞○警○語○將○軍○曰○時○之○安○  
危○視○民○心○向○背○欲○固○民○心○者○勿○以○兵○病○民○可○矣○吾○與○將○  
軍○約○倘○有○犯○令○者○白○將○軍○即○按○法○治○罪○使○知○吾○等○不○縱○  
兵○以○毒○民○則○民○心○固○而○兵○亦○戢○守○則○固○戰○則○克○誰○能○禦○  
之○將○軍○許○諾○未○幾○滿○兵○有○犯○法○者○公○升○堂○發○令○箭○詣○將○  
軍○縛○兵○至○治○之○百○姓○觀○者○悉○歡○躍○丹○次○富○陽○一○卒○與○賣○  
菜○傭○競○立○鞭○之○嗣○是○滿○漢○兵○莫○敢○不○奉○法○方○出○兵○時○諸○  
將○或○言○資○裝○未○辦○即○出○數○百○金○爲○助○前○後○支○餉○犒○軍○恤○  
死○傷○者○費○不○訾○已○而○無○所○抵○悉○家○財○以○饋○而○家○且○破○矣○

其○在○軍○與○將○軍○及○諸○佐○領○推○誠○相○結○有○事○必○合○謀○而○后○  
行○有○白○事○者○雖○小○校○必○引○至○帳○前○俾○得○人○盡○其○意○戰○罷○  
數○功○罪○行○賞○罰○鮮○不○服○者○以○故○能○成○功○一○日○與○將○軍○坐○  
一○山○從○者○纔○十○許○人○俄○而○山○前○人○忽○蟻○集○可○一○二○千○湧○  
而○上○將○軍○色○變○公○徐○起○前○曰○汝○兵○邪○亦○有○所○苦○耶○試○言○  
之○衆○跪○而○言○曰○吾○等○往○日○私○通○賊○受○吳○取○兩○家○割○付○觀○  
成○敗○爲○去○就○今○公○視○吾○等○如○骨○肉○吾○安○忍○背○公○敢○納○割○  
付○以○自○明○願○爲○公○奮○死○殺○賊○公○曰○汝○能○如○是○即○忠○義○好○  
男○子○也○悉○焚○其○劊○村○犒○而○遣○之○賊○平○論○功○加○三○級○進○兵○  
部○侍○郎○再○加○兵○部○尚○書○上○疏○請○蠲○被○兵○州○縣○錢○糧○畧○言○

金衢嚴處溫台諸處悉已恢復百萬生靈獲出湯火但  
陷賊三載家資盡於拷掠田廬化為邱墟未絕殘黎復  
遭疫癘臣惟國家討逆靖亂總為急救生民今此鳩  
形鵠面之予遺皆異日辦賦輸糧之赤子若不及今延  
其喘息必至將來有土無人請將康熙十五六年一切  
錢糧概行蠲免仍照墾荒法分給牛種寬以三年之限  
照例起科以昭大信於天下疏四上得請又請牽復被  
兵州縣有司考成降黜者並軫恤死難諸臣陣亡將士  
下部議行十七年海賊朱天貴等入犯內地公飭諸將  
分兵防禦賊之廟嶺湖復賊之溫州進勦江西餘賊於

貞節堂袁氏鈔

玉山子午口賊之復敗之八仙洞毀其巢十九年疏請  
練戰船與福建水師入海會勦尋敗賊於孝順洋斬二  
千餘人降偽官百八十八兵二千餘人先是民有陷賊  
來歸者為建茅房二千餘間別男女居之給以食又命  
屬官於入閩通衢設粥食饑民凡五年全活無算河西  
賊退軍吏獲居人謂其從賊也請誅之公曰彼守土勿  
去良民也盡釋之我師復溫台處諸府旗將多掠平民  
為奴婢公勸止之不能得乃倡僚屬募諸富人各捐金  
贖之至十八年春地震求言復上疏極論其事請勅  
諸將各還所掠為廷議所格幾得罪二十一年秋班師還

杭州在軍九年大小百四十餘戰堅守賊衝有進無退  
卒成恢復功者公本謀也二十一年冬召入爲兵部  
尚書抗衢二州皆爲公立生祠二十三年轉吏部尚書  
乞休不許叙前功世襲拖沙喇哈番時議停捐納人授  
官公曰若大信何得已二十六年拜文華殿大學士兼  
吏部尚書明年得旨致仕三十三年冬十一月卒於  
家年七十三詔禮部議恤遣官致祭立碑墓道謚文  
襄新城王文簡嘗論公謂忠勇智三公竇兼之安溪李  
文貞言蒞浙江者前有范覲公後有李鄴園士民至今  
稱之鄴園之才優於覲公吾嘗試之而信非以成敗論

貞節堂袁氏鈔

也。李文襄公年譜臺諫奏議督師奏疏金華徵獻略  
榕村語錄帶經堂集懋園集存研棧集



故中憲大夫工部尚書湯文正公事狀

公諱斌字孔伯河南睢州人高祖諱易官岷州守備曾  
祖諱希范官趙城縣丞祖諱敏父諱祖契俱學生祖契  
封中憲大夫陝西按察司副使明末流賊陷州城母趙  
氏被執不屈死公從父避兵南下寓衢州順治二年大  
兵定江南始還里公少端謹比長博通羣籍尤好宋諸  
大儒書五年舉鄉薦明年登會試榜又三年成進士選  
宏文院庶吉士十一年授國史院檢討十二年春應  
詔陳言請廣搜先代遺書及明末死難諸臣事蹟以修  
明史且言宋史修於元至正不諱文天祥謝枋得之忠

元史修於明洪武並列丁好禮普顏不華之義我朝  
順治元年二年間前明諸臣亦有抗節致命者宜令纂  
修諸臣勿事瞻顧昭示綱常於萬世事下所司大學士  
馮銓金之俊等謂公誇獎抗逆之人擬旨嚴飭  
世祖心是公言召至南院溫語久之秋詔選翰林科  
道十八人加一級外轉以公爲陝西潼關兵備道大兵  
下滇蜀關中當孔道軍所過踴驕橫民多竄匿公隨方  
調遣過者悉歛手就約束於是設保甲行鄉約建義倉  
立社學不三年流民復業者數千戶歲旱無麥而春夏  
兵餉例支麥麥價浮於穀公請發倉穀以代軍帥不可

曰如是兵且變公曰民且饑死獨能不變乎兵有變吾  
自任之即與兵約今與汝穀明年將補償若穀而若以  
穀還官兵皆帖然曰願如今於是關西數千里麥征悉  
停十六年調江西嶺北道轄贛南二府李玉廷者明舊  
將以所部萬人入粵都山爲寇公移書約降之會海寇  
鄭成功犯江寧陰通玉廷公獲成功謀白巡撫斬之度  
玉廷且犯南安即移兵爲備玉廷至却走之復請兵分  
守要害扼其去路數月玉廷就擒尋移疾歸里丁父憂  
服除謁夏峯孫徵君受其學歸而與諸學者爲志學會  
講求體察日益完粹公之論學首嚴義利之辨以爲君

子小人無他喻義與喻利而已矣平天下之道無他以  
義為利不以利為利而已矣故其在官無取於屬吏屬  
吏亦不敢取於民上官知其然其於公也亦無取焉又  
嘗論官無尊卑為一官即盡一職便是位天地育萬物  
不過如此以是行於己亦以是勉於人視人如己視民  
事如家事獎善而遏惡損己以益下是故賢者信其心  
不肖者亦服從其教康熙十七年 詔舉博學鴻儒都  
御史魏敏果公副都御史金鉉俱以公應 詔召試一  
等授翰林院侍講纂修明史二十年充日講起居注官  
浙江鄉試正考官轉侍讀明年為明史總裁官直經筵

貞節堂表氏鈔

纂修 太宗 世祖聖訓遷左春坊左庶子公為

講官每進講先一日齋肅潛思經義務積誠以動  
上嘗言君心正則天下治如天樞之運衆星為講官須  
於此處著力二十三年擢內閣學士兼禮部侍郎充  
大清會典副總裁官河南災閣臣議遣官往勸公曰無  
益也使者所至苛擾實甚州縣一聞遣使輒輟耕以待  
勸是再荒也不如今有司自勸良便已而河南果畏勸  
災諱者過半給事中任辰旦議巡狩封禪事大學士擬  
旨切責公曰給事言是李沆曰邊患既息恐人主漸  
生侈心相公獨不以為慮乎或議改法令公曰官之失

德寵賂章也不此之懲區區之法何足恃乎在閣凡四月所言雖不盡用然莫不敬而憚之六月江寧巡撫缺九卿會推學士孫在豐浙江布政使石林 聖祖諭大學士曰學士湯斌曾與孫奇逢講明道學前典試浙江操守甚善可補授江寧巡撫瀕行 諭以江蘇風俗奢華爾其潔已率屬加意化導俾革心易慮 賜御書三鞭馬一表裏十銀五百兩其年冬抵蘇州會 聖祖南巡迎 駕至江寧 聖祖命回蘇治事蘇城道狹總督將毀民居廣馳道公曰如此則數萬人無所安息非 主上勤民意也遽止之 駕返送至江寧而

還于是革耗羨禁私派清漕政汰蠹役行保甲革鹽商匣費自總督以下皆相傳戒不得受所屬餽遺京朝官使過者毋敢有括索所部肅然蘇松向苦賦重積欠甚多而江北諸州縣地瘠薄又屢被水旱公以為民氣未蘇教化未易行也于是奏免淮揚水淹地賦請緩蘇松積欠為分年帶征俱下部議行又請蠲十八年十九年災欠請除邳州版荒田賦又請蠲明神宗朝所加九釐餉又極陳蘇松浮糧之困請量行酌減二十四年秋淮揚徐三府復被水公條列蠲賑事宜以 聞借布政使庫金五萬告糴江西湖廣不俟 詔下遣官遽行是年

米價大平。謂善民俗莫先於興學。益廣社學之制。令城內外及鄉鎮二百家。以上皆設學。鄉之子弟就學者。廩之。擇諸生中賢者爲之師。月會明倫堂講孝經小學。復爲期集士民講。上諭十六條。皆身莅之。禁婦女毋將觀胥吏倡優。毋得衣采帛。斷坊刻娼詞小說。諸無賴爲民害者。及借端煽誘者。悉痛除之。上方山有祠。曰五通。禱賽甚盛。神橫而好媼。公取其像投諸湖。其祀遂絕。公自奉澹泊。脫粟羹豆。與賓友共之。治文書。率常至四鼓。日中始一食。或勸以少休。慨然曰。君命即天命也。日監在茲。敢自暇逸乎。察吏嚴劾。府縣官趙祿。呈張萬壽八

貞節堂表氏鈔

人貪酷罪罷之。舉廉能知縣劉滋郭琇二人。以積欠未完格於部議。聖祖特破例用之。居二年。吏治日清。民俗丕變。時大學士明珠方樹黨。招權利。引前江寧巡撫余國柱爲戶部尚書。先後蠲漕及緩征。以部費爲名。索金累巨萬布政使屢以爲言。公弗許。及大計。兩司治行有所需。憚公不敢發。遂徒手入京。以是諸要人皆不便。公所爲會。皇太子出閣。或言輔導太子。非公不可。二十五年春。聖祖遜下詔。以公爲禮部尚書。管詹事府事。公去蘇士民遮塞衢道。不得行。公以前論浮糧事。屈於廷議。因示諭有愛民有心救民無術語。國柱與

明珠謀聞於上謂公市恩既至充經筵講官並充太子講官進講東宮首陳大學財聚民散之義聖祖聞謂皇太子曰此列國分疆時語也若天下一統散將安之試問之公具言秦隋土崩禍更盛於列國時聖祖諒其忠亦弗責也二十六年五月不雨聖祖命閣臣召問九卿興革事宜公言民間春稅力弗能堪宜復夏秋兩稅又言蘆課徵銅錮不常有仍聽輸銀使余國柱遽起柱曰公欲變此法俟國柱去戶部未晚也會詔求直言靈臺郎董漢臣上書極論時事語侵執政御史陶式玉劾漢臣撻拾浮詞欺世盜名請

逮治下內閣九卿議時國柱已爲大學士明珠內懼議與國柱等因服待罪大學士王熙笑曰市兒妄言立斬之畢矣公後至國柱以兩議告公曰彼應詔言事耳何罪且所言早諭教崇節儉施行大臣不言小臣言之我輩當自省于是大學士勒德洪吏部尚書達哈塔皆如公議明珠入國柱踵其後而與之語已而漢臣免議尋詔公與達哈塔少詹事耿介輔導皇太子公以疾辭國柱傳旨詰責並問公當會議時何以有漸對董漢臣語公引咎乞加處分子是左都御史璵丹王鴻緒副都御史徐元珙鄭重等並疏劾公且追論公去蘇

時巧飾文告活名干譽時取介方以疾乞休介公所薦也于是詹事尹泰少詹事舒淑開音布翁叔元劾介詐疾并劾公不當薦介而達哈塔獨上疏請與斌介同罷並下部察議當革職 聖祖命公與達哈塔俱降級留任而獨聽介去公遼聞繼母疾乞歸省 聖祖手詔慰留忌者意未已宣言 上將隸公旗下或勸公委曲諸公間以自解公曰六十老翁尚何求吾安之矣或又勸公發忌者陰事以紓禍公曰老母在未敢以此試也九月有疾 勅御醫就視改工部尚書九卿有會議事公以入講不至復爲科道所劾部議降二級留任如

故十月疾少間屬有興作度材通州歸得寒疾夜半氣逆上遂卒先是語人曰吾數月來心無一綫放逸得加深於平時臨終戒子溥曰孟子言乍見孺子皆有怵惕惻隱之心汝等當養此真心真心時時發現久之可上達天德若徒襲取於外終爲鄉原無益也辛年六十一 聖祖遣學士多奇翁叔元奠茶酒 命駟驛歸以尚書禮祭葬陝西江西江南諸大吏並采衆議請以公入名宦祠 報可雍正十一年 詔入賢良祠乾隆元年追謚文正所著洛書編潛庵文集行於世子四人溥濟沆準公之學不立門戶不矜口辯嘗論朱子之學流

而為誦說其失也支王子之學流而為虛無其失也蕩  
去短取長補偏救弊要以躬行心得為本若乃黨同伐  
異終日喧呶自以為闢道闢邪不知其去道也日遠嗚  
呼公之用心可謂公而篤矣夫其內省也密故未嘗驚  
於外其自任也重故未嘗足於中其仁於民物也誠故  
其出也上孚而下應其服習於天德也熟故厯夷險盡  
常變灑然而不繫安然而不遷古之所謂大人者非公  
其誰與昔曾大父特講公嘗待公几席平生奉公為師  
法輯公遺書板行南方紹升讀公書慕公久願前輩所  
撰諸碑誌頗未盡本末爰次公遺言行采其萃萃大者

貞節堂表氏鈔

為之狀如石湯子遺書遺書附錄堯峯文鈔西溪文鈔



故東閣大學士吏部尚書熊文端公事狀

公諱賜履字青岳湖北孝感人順治十四年舉於鄉明年成進士選庶吉士授檢討十七年充順天鄉試副考官康熙二年遷國子監司業四年遷宏文院侍讀六年五月 聖祖詔臣工直陳政事得失公於是上書曰臣荆楚鄙儒猥蒙 先帝簡拔授以清班繼荷

皇上殊恩累遷今職 兩朝知遇高厚難名中夜捫衷汗流浹背伏念臣自幼讀書辨志竊以聖賢爲師數年以來恭遇 皇上高拱深居經筵未舉區區獻納微忱無由上達且以出位陳辭典制有禁因循緘默尸素

到今臣之罪也亦臣之分也茲者伏遇 皇上恪謹  
天戒軫念民依虛已下詢采及葑菲此正微賤小臣圖  
報捐埃之日也謹仰遵 明詔殫竭愚衷惟 皇上  
留神省覽伏讀 詔書有曰今聞直隸各省人民多有  
失所疾苦窮困深可軫念或因官吏貪酷浚削民生或  
因法制未便致民失業嗚呼 皇上此心乃二帝三  
王之心 皇上此言乃二帝三王之言也夫民生今  
日其困苦亦孔亟矣國家日言生聚而凋弊愈甚日言  
軫恤而瘡痍不起日言招集言捐免而流亡滿目逋欠  
浸多近而畿甸遠而各省流離殞尾所在皆然溯厥由

來惟是官吏之割剝徭賦之繁重有以致之誠有如  
聖諭所云者蓋小民水耕火耨終歲勤勞僅足以贍  
給俯仰而夏稅秋糧朝催暮督膏絲糴穀十室九空私  
派倍於官征雜項浮於正額分外之誅求無名之賠補  
種種浚刻剝膚及髓一有不應即已顛頓呼號于樵樵  
敲朴之下而無能安其室家井廬之樂哀此小民正使  
年熟歲稔尚難保須臾之命一旦水旱頻仍饑饉見告  
其不轉徙流亡填溝渫而委道路者幾何哉蠲徵則吏  
收其實民受其名賑濟則官增其肥而民重其瘠彊者  
斬木揭竿弱者析骸易子此理勢所必至者嗚呼此固

民情之大可憫而國計之重可憂者也雖然此不獨守令之過也上之有監司又上之有督撫朝廷之於守令方責之以廉而上官實教之以貪 皇上固授以養民之職而上官自課以厲民之行今日之爲守令者亦甚難矣督撫廉則監司廉守令亦不得不廉督撫貪則監司貪守令亦不得不貪表有影原有流此又理勢之必然者也今之爲督撫者求所謂精白乃心爲國家安輯地方愛養黎庶者臣不敢謂無其人獨是國家以全省民命舉而付託於其身昇以察吏安民之權屬以興利除害之任其待之不爲不隆而任之不爲不重矣乃

日望其察吏而吏治日壞日望其安民而民生日蹙日望其興利除害而一利未行一害未去不可不謂之上負 朝廷下負生靈矣夫抵有司之職業在地方而上官之激勸在舉劾年來督撫之所薦揚者果小民之戴爲父母而尊若神君者乎其劾爲貪庸者果百姓之畏若豺虎而疾如蛇蝎者乎是未可知也以督責爲能而不問其慈惠以催科爲政而不問其撫綏以夤緣之巧拙爲優劣而不問其材幹之長短以禮節之厚薄爲殿最而不論其品誼之高下此風一倡爭相效尤交蟠互結牢不可破是以數年以來旱澇時聞死亡載道而此

輦與金饌玉莫宴朝歌恬焉不知有困窮疾苦之足念  
在此輦不過爲一時之利梯一己之貪欲而不知歛怨  
聚愁爲國家釀此不解之毒在廷諸臣習爲瞻徇務相  
容隱不肯舉發其貪惡之迹以告 皇上間有一二  
指名糾參者亦不過淡寫輕描微示其意而 皇上  
亦莫得洞悉其蠹國養姦橫虐殃民之實狀故此輦得  
以久竊威權爲壟斷之長計而無辜赤子顛連莫告者  
正未知何日有再生之地也伏乞 皇上將現任督  
撫大加甄別其賢而能者加銜久任其貪污不肖者立  
賜黜退無令久居人上荼毒生民嗣後遇督撫缺出不

拘內外大小臣工果有端方清正望重才優如古大臣  
其人者 勅下部院大臣從公保舉授以茲任其考課  
也以民生之苦樂爲守令之賢否以守令之貪廉爲督  
撫之優劣則督撫得其人監司自得其人監司得其人  
守令亦得其人自然廉者勸貪者懲有利必興有害必  
除而民之不獲其所者寡矣不此之計日敝敝焉言計  
吏言安民言舉劾言蠲賑終不過空文故套美人聽聞  
毫無補於吏治民生之實事何則任之非其人行之失  
其意雖周官周禮祇足爲厲民禍世之具而已此  
聖諭之所已及而臣詳切言之者也雖然內臣者外臣

之表也。京師者四方之倡也。本原之地在乎朝廷而已。朝廷一舉一動萬方之則。倣九土之觀瞻。于是乎出而其大者則在立綱陳紀用人行政之間。今朝廷之可議者不止一端。臣請擇其至重且大者言之。一曰政事極其紛更而國體因之日傷也。從來聖君賢臣開國承家必取一代之典章法制斟酌損益著為百世不易之令模遠之子孫率由無變亂之患。近之臣民遵守無叢脞之虞。三代盛王所以保世滋大無疆惟休也。我國家所用章程一踵勝朝之舊。雖其事極弊而難行者類無不承訛襲陋苟且因仍不聞畧加整頓去其太

貞節堂袁氏鈔

甚而急功喜事之輩又從而意為更變於其間。但知趨目前尺寸之利以便其私而就中莫大之憂無窮之患潛滋暗伏不知所以為之計。朝舉夕罷旋罷而旋舉甲張乙弛倏弛而倏張。王言屢褻朝政滋煩議論日多成功絕少。此時事之最當講究者也。伏乞皇上勅下議政王貝勒大臣九卿科道將國家制度文為詳慎會議何者當沿何者當革何者宜益何者宜損參以古制酌以時宜務期允當勒為會典著為成憲則上有道揆下有法守億萬年無疆之基業在此矣。一曰職業極其墮窳而士氣因之日靡也。國家之設官也滿漢相制

堂屬相維使事無偏畸責無他委近見各衙門大小臣工大率以意見為嫌疑為推委明知其事之必不可行而不以為否明知其事之必不可行而不以為是緘默瞻顧而姦人猾胥因得以舞文弄法偷換手眼比年以來此風尤甚外托老成慎重之名內懷持祿養交之念憂憤者謂之疎狂建白者目為浮躁廉靜者斥為矯激端方者詆為迂腐間有修身體道讀書窮理之士則羣指為道學之人而誹笑之排擯之勢不至於禁錮其終身而不已此識者所為深憂永歎而不能不為世道之感也伏乞 皇上立振頽風作興士氣申飭滿漢

貞節堂袁氏鈔

諸臣虛衷酌理實意任事化情面為肝膽轉推委為搭當是曰是非曰非可則可否則否漢官勿阿附滿官堂官勿偏任司官宰執盡心論思勿以唯諾為休容臺諫極力糾繩勿以鉗結為將順則職業修舉而官箴日肅士氣日奮矣一日學校極其廢弛而文教因之日衰也宋儒程顥曰治天下以正風俗得賢才為本又曰三代養賢為本而德化行焉治道出焉明乎學校為賢才之藪教化之基而學術事功之根抵也今者庠序之教缺焉不講矣師道不立經訓不明士子伏案呻吟惟是揣摩舉業以為弋科名擬富貴之具絕不知讀書講學求

聖賢理道之歸卽號爲高明有志者又或汎濫於百家  
沉淪於二氏惑世誣民充塞仁義斯道之淪晦未有甚  
于此時者矣伏乞 皇上隆重師儒興起學校畿輔  
則責成學院各省則責成學道使之統率士子講明正  
學非六經語孟之書不得讀非濂洛關閩之傳不得講  
扶持正教削去從前浮薄偏曲之陋習與空虛荒誕之  
邪說而又舉行貢監之法令於士子中擇其志趣端卓  
英俊可造者縣學一人州學二人郡學三人貢之國雍  
寬其館舍以居之豐其廩餼以養之廷臣中有老師宿  
儒如宋胡瑗元許衡其人者特簡一二人使司成均主

教導日進諸生而陶淑造就之其道必本於人倫達乎  
天德其教自洒掃應對以致於義精仁熟漸摩誘掖循  
循有序三載之後學成才就司成次其優劣等第彙送  
吏部量其才之大小學之淺深而授之秩其公卿大夫  
之子弟亦如之至于山林高蹈之士有經明行修德業  
完備者仍請 勅下地方官悉心諮訪據實奏聞優禮  
延聘加意褒崇以爲士習人心之勸則道術以明教化  
大行人才日出矣一日風俗極其僭濫而禮制因之日  
壞也禮者聖王所以節性防淫而維係人心者也小民  
至無知也其氣易勝其情易流勝者每至不可禦流者

常至不可遏其不至於橫潰四出者由有禮教持之于先又有法制繩之於後也臣觀今日風俗其奢侈凌越不可殫述一裘而費中人之產一宴而糜終歲之糧輿隸被貴介之衣娼優擬命婦之飾習爲固然爭相雄長彼又安知王章之不可渝天叙之不可紊乎夫禮教之不行自貴近先之朝廷崇儉約重等威誰敢有好侈靡踰制度者風行草偃理有固然夫奢則必貪廉恥喪矣奢則必僭名分蕩矣奢則必驕奢則必競禮讓衰節文亂矣嗚呼此飢之本寒之源之盜賊獄訟水旱災荒之所由起也伏乞皇上躬行節儉爲天下先明

貞節堂袁氏鈔

詔內外臣民一以儉約爲上自王公以及士庶凡宮室車馬衣服僕從一切器用之物俱規定經制限以成數不許少有踰越久之儉德日彰貪風日息民俗醇人心厚以幾於淳龐之治不難矣雖然猶非本計也至於根本切要之地端在我皇上之一身矣蓋皇躬者萬幾所受裁萬化所從出也孟子曰天下之本在國國之本在家家之本在身董子曰正心以正朝廷正朝廷以正百官正百官以正萬民正萬民以正四方二子之言萬世之龜鑑也聖如堯舜可謂至矣而諄諄於危微精一之戒明雖生知之聖亦藉學問之功也我皇上



神明天縱睿哲性成豈區區常情之所能窺然生長深宮春秋方富誠宜選擇左右輔養 聖躬薰陶德性伏乞 慎選耆儒碩德置之左右優以保衡之任隆以師傅之禮不必勞以職事拘以文貌使之出入禁閣時親便座從容閒燕講論道理又妙選天下英俊使之陪侍法從朝夕獻納切劘治體毋徒事講幄之虛文毋徒應經筵之故事毋以寒暑有輟毋以晨夕有間至于大學行義尤爲切要下手之書其中體用兼舉本末貫通法戒靡遺洪纖畢具誠千聖之心傳百王之治統而萬世君師天下者之律令格例也伏願 皇上延訪

貞節堂袁氏鈔

真儒深明厥旨者講求研究于是考之以六經之文監之以歷代之跡實體諸躬默會諸衷以爲敷政出治之本若夫左右近習必端其選綴衣虎賁亦擇其人士人佞倖不置於前艷色娃聲不御于側泚聖之書擲而不讀無益之事戒而不爲內而深宮燕閒之間外而大廷廣衆之際微而起居言動之恒凡所以維持此身者無不備所以防閑此心者無不周君志清明君身強固舉夫立政敷教知人安民無非天德之流行天則之昭著是 皇上直接夫二帝三王相傳之心法自有以措斯世於唐虞三代之盛又何吏治之不清民生之不遂

哉易傳曰正其本萬事理差之毫釐謬以千里此  
聖諭之所未及而臣推本言之者也臣志學有年粗知  
章句凡所敷陳率昏聞諸師友考諸經傳而非敢妄爲  
臆說以自干罔 上之誅昔宋儒朱熹入對有戒其勿  
以正心誠意之說進者熹曰生平所學止此四字臣之  
心亦如是而已矣伏乞 皇上諒其朴愚恕其狂妄  
俯賜包涵留神標擇天下幸甚疏入輔臣鰲拜惡其侵  
已請治公妄言罪 聖祖弗許曰彼自陳國家事何  
預汝等耶七年遷秘書院侍讀學士復上言朝政積習  
未除國計隱憂可慮年來災異頻仍饑荒疊見正宵旰

憂勤撤懸減膳之日講學勤政在今日最爲切要乞  
時御使殿接見羣臣講論政治設誠而致行之庶可轉  
咎徵爲休徵疏入鰲拜傳 旨詰問積習隱憂實事以  
所陳無據下部議降二級用 聖祖原之八年鰲拜  
敗 聖祖手書前事付廷臣令并按輔臣欺罔罪公  
再疏請舉經筵設起居注官會 聖祖欲巡幸邊外  
公疏言水旱頻仍 聖駕不宜輕出 詔罷前命並  
嘉其直俾繼今以後事有未當其悉陳所見朕不憚改  
焉九年四月擢國史院學士 召入內廷命作楷書公  
大書敬天法祖知人安民八字以進復承 命講大學

中庸首節

聖祖首肯者數四月改內三院為內

閣設翰林院以公為掌院學士兼禮部侍郎遂以明年  
二月肇舉經筵大典於保和殿以公為講官知經筵事  
項之 聖祖以春秋兩講為期闕疏遂 命公日進  
講宏德殿每詰旦進講 聖祖有疑必問公上陳道  
德下道民隱引伸觸類竭盡表裏蓋公自初應 詔上  
書即力言 聖學為第一要務其後屢以為言會  
聖祖日益勤學既開經筵益盡心于堯舜義孔之道暨  
周程張朱四子之書咨諏討論達於政事仁決而義炳  
其端緒實自公發之及公去位後 聖祖每論侍學

貞節堂袁氏鈔

諸臣未嘗不稱公之忠益也一十年夏乞省母疾歸尋還  
朝十一年 命教習庶吉士十二年充會試副考官其  
年冬公以疾假數日疾已入直時有詔撤三藩 聖  
祖舉以問之對曰國家方太平以無事為福道在休養  
綏定之而已今無故徙數十萬安居樂業之眾移置窮  
荒不毛之墟倉卒逼迫勢逐刑驅未有不生懟怨眾怒  
不可激一夫稱亂所至瓦解前事如此可勿戒與  
聖祖以語諸大臣皆言吳三桂僅一子質於朝可勿慮  
其他又安能為未幾三桂反明年耿精忠反十四年春  
授公武英殿大學士兼刑部尚書公疏辭不許既受

命參畫軍機及諸道糧餉並請嚴飭軍行所過不得蹂踐禾稼使兵不病民民不失業時方纂 太祖

太宗聖訓孝經衍義重修 太宗實錄公並充總裁

官十五年陝西總督有開復疎防官員一疏內閣誤票三法司核擬既檢舉大學士索額圖初擬票稿不得謂公有改寫情弊請察議免歸家于江寧二十三年

聖祖南巡 召對行在賞賚有加尋書經義齋三字題其居二十七年夏起禮部尚書冬丁母憂歸先是公因進見言西夷噶爾丹且有變宜爲備至二十九年邊人告警 聖祖念公言趣起前官三十年充經筵講官

貞節堂表氏鈔

及武會試正考官明年春 命往江南鞫河督王新命侵帑事論罪如律冬移吏部尚書會河督靳輔請豁近河公占民田額賦 詔公會督撫察勘還奏免高郵山陽等州縣額賦三千七百二十八頃有奇三十三年充會試正考官三十五年春 聖祖親征噶爾丹公言內大臣費揚古可重任 聖祖命爲撫遠大將軍統西路兵前行及戰大捷噶爾丹尋走死三十六年復充會試正考官三十八年拜東閣大學士知經筵如故嘗進言海內乂安休養化導正在此時宜益崇學校廣教化豫積貯戒奢汰則萬世太平之業也每宴見輒陳四

方○水○旱○官○方○得○失○推○古○聖○人○所○以○憂○民○保○治○之○意○竭○慮○  
無○隱○ 聖○祖○輒○改○容○稱○善○三十九年充會試正考官  
四十二年復充會試正考官四十三年春公年十  
乞休 詔解機務留京食俸四十五年疏辭食俸乞歸  
江寧陞辭 聖祖召入講論累日公因言 巡幸所  
至○官○民○供○辦○不○無○煩○費○惟○上○留○意 聖祖頷之  
命馳驛歸官為護送明年 聖祖視河工幸江寧  
賜御用冠服會纂朱子全書 詔李文貞與公移書往  
復商定公平生論學以默識為真修以篤行為至教其  
居也恭其動也毅其事上也誠其與人也恕辭達而已

貞節堂表氏鈔

不○為○飾○時○措○而○已○不○為○矯○以○是○由○程○朱○之○塗○而○上○沂○乎  
孔孟其言曰聖賢之道不外乎庸庸乃所以為神也所  
著書有學統學辨學規學餘經義齋諸集四十八年十  
月卒于家年七十有五 命禮部遣司官二人視其喪  
賜銀一千兩祭葬如制贈太子太保謚文端子三人  
志伊志契志夔志伊以疾廢五十一年 聖祖追念  
公學行 召志契志夔入京以年稚不能應 詔六十  
年二子年十餘始入京吏部引見 聖祖命俟年長  
錄用且憫其家貧 諭諸大臣飭公故舊門生各助金  
買屋京城以居餘交江寧織造生息歲廩其家逾年志

夔卒乾隆九年授志契翰林院孔目公之薨也碑誌之  
文缺焉紹升讀公書恨未悉公行事三十六年入京與  
志契遇得其家所書公事畧並考集中諸疏及論學書  
爲之狀俟史官采錄焉愚齋文集熊志契所書事畧

貞節堂袁氏鈔

故文華殿大學士掌翰林院事徐公事狀

公諱元文字公肅其先常熟人九世祖良遷於崑山再  
傳爲刑部主事中以論壽寧侯廷杖謫湖州推官又三  
傳爲太僕寺少卿應聘以文章風義重於時子永美孫  
開法兩世皆太學生贈資政大夫刑部尚書開法生四  
子公其叔也母顧夫人夢神人授以玉尺而生公少端  
重有大志年十四補諸生益沈潛嗜學爲文章出入經  
史與吳中諸名士爲社曰慎交以繼東林復社時論歸  
之順治十一年舉於鄉十六年賜進士第一世  
祖召見乾清門還啓 皇太后曰今歲得一佳狀元

賚冠帶服物除翰林院修撰累 召見 賜馬 賜饌  
每奏進文字輒稱 旨十八年 世祖宴駕公號慟  
若私喪比公除悲不止歲逢忌日齋居慘戚終其身會  
江南奏銷案起姦胥妄指公逋稅謫鑿儀衛經歷閱四  
年事白復前官聞太公病乞假歸及丹陽而赴至與兩  
兄日居喪次酌損古禮行之從父官汀州推官疾卒公  
往迎其喪靖南王取繼茂慕公名餽金二千兩願一見  
公曰是貨取也却其金卒不往見康熙八年起補國史  
院修撰進秘書院侍讀其年秋爲陝西主考官明年遷  
國子監祭酒尋充經筵講官上疏言自古人材盛衰視

貞節堂表氏鈔

學校興替古先哲王於胄子外妙簡賢俊俾入辟雍周  
制鄉論秀士升諸司徒司徒論其秀者而升諸學自漢  
唐以來太學子弟皆由遴選以故人材輩出或以經術  
顯或以理學名或以氣節著非其時人獨賢也取之精  
而養之厚有以致然也自故明景泰時入馬入粟之途  
開閭巷小夫皆得隸名胄監蘭艾錯雜程課不行士風  
之弊實由於此我 皇上右文重道振興教化而諸  
生之在太學自官蔭外止有輸納一途其以歲貢致監  
者十不得一又多年齒頽莫之人甚非所以育英才而  
廣厲學官之路也伏察舊例順治八年及十一年曾經

各學臣選取生員文行並優者咨送至監今宜遵此例於府州縣各學或間歲或三五歲舉品端學優年齒少壯者一人入太學加以歲月漸磨砥礪勉之成材優其進用之路更宜遵 世祖皇帝舊制每科直省鄉試各取副榜若干名送監肄業如此則橋門之內多士濟濟將必有經明行修者出於其中所裨於 國家之用者非尠矣得 旨下部議著爲令由是四方名俊畢集館下公遂疏請廣監生中式之額並請永停輸納一途言其不可者有四謂興廢育材莫重流品入貢充補冗濫已甚名實既混秀頑不分其不可一也官生貢生期

貞節堂表氏鈔

滿考職必三科九年之後而按例入貢則不計年限咨到隨考官貢監期多者二期少亦半歲而准貢期止三月過正途則絀過雜途則優其不可二也流品既清氣習亦異程課難行士風益薄其不可三也歷年以來吏部考職需次佐貳者不下數千補授無期濫膺品服選途旣滯 國體實傷其不可四也章下所司不能用公莅學四年端士習文正體勤講肄條教甚具以滿州官學生卿大夫所自出而得官甚艱請疏通選法以作士氣平居督課尤嚴官生不率教者必加撻責烏十三年五月晉內閣學士兼禮部侍郎充 太宗實錄副總裁



明年四月改翰林院學士兼禮部侍郎充日講官起居  
注五月 命教習庶吉士先是熊文端公在講筵累稱  
說孔孟程朱之道贊 聖德以爲制心制事之本及  
是 聖祖益欲博覽前世興亡得失之所以 詔公  
用歷代通鑑與四書參講時熊公已去位公與桐城張  
文端公直講筵因疏請取朱子綱目擇其事之繫主德  
裨治理者摘錄條件旁採先儒議論而以意斷之  
聖祖可其奏公退而屬諸詞臣分撰講章手爲裁定舉  
其綱要相當務之急旁推交通而一以仁義爲本及歲  
終彙呈講義公具疏尤以心法爲醇醇其責難陳善

貞節堂袁氏鈔

此類也十五年冬丁顧太夫人憂歸十八年春 召監  
修明史八月至京疏辭不許因請購遺書徵遺獻薦故  
明給事中李清主事黃宗羲及原任副使曹溶主事江  
懋麟布衣黃虞稷諸生姜宸英萬言有 詔召清等宗  
羲溶並以老不至而各上所著書 詔並付史館尋補  
內閣學士吏部題補給事中 聖祖欲分省均用科  
道官公言地均矣如才不均何乃止九卿會推江西按  
察使有舉興泉道張仲舉者御史唐朝彞力言仲舉在  
官無善狀科道官連名劾朝彞副都御史李仙根給事  
中李宗孔不肯署名遂并劾之下部議仙根宗孔降五

級調用朝彛革職 聖祖曰此處分太過公奏曰會  
推本欲盡衆人之論何嫌異同而處分若此將來所舉  
非人誰敢駁正且科道公疏必不容有不列名之人脅  
持之漸何可長也 聖祖曰當免處分公曰凡言免  
者謂有罪而寬之也臣謂諸臣實無罪但降旨云不必  
處分可矣從之御史有言宜遣大臣巡方者公言於閣  
中曰巡方向遣御史以有憲長裨歷故憤事者鮮若遣  
大臣或妄作威福誰能禁之入以告 聖祖寢其奏  
十九年遷都察院左都御史入謝 賜御書再充經筵  
講官時滇逆將平諸賊黨多率衆歸附耗餉不訾公請

貞節堂袁氏鈔

量行散遣分道安插以寬民力又請除三逆虐政在粵  
東者五曰鹽埠曰渡稅曰總店曰市舶曰魚課在閩中  
者四曰鹽稅曰報船曰冒擾驛夫曰牙行渡稅在滇南  
者四曰勲莊曰園田曰礦廠曰冗兵疏上俱下所司議  
行初以御史劉安國請下令察隱占田畝責成州縣分  
別叙錄有司利其然多虛增畝稅耗累平民公言如此  
則名爲加糧實耗糧戶請飭督撫各自檢舉如有護前  
隱匿者加等治罪下部議行又言督撫之優劣當以民  
生愉戚戶口增耗爲斷其撫綏無術者應予處分而小  
事註誤宜從寬免至於教養有方治效顯著方准加銜

增秩而督催捐助察逃墾荒諸政蹟但予紀錄如此則  
賞不僭罰不濫又如藩臬貪污督撫不問者宜以徇庇  
罪之時部例捐納官到任三年後稱職者具題升轉不  
稱職者罷之已復令捐銀者免其具題公言 國家大  
體所關惟賢不肖之辨而已今吏途甚雜所以令三年  
具題者欲使賢者勸而不肖者懼若捐銀可免具題是  
多金者與稱職同科也臣謂稱職非可捐納而得此曹  
以現任之官營輸入之計何所不至所宜急停止者也  
至歲貢本屬正途自開捐納生員之例遂得並捐歲貢  
冒濫正途臣謂正途非可捐納而得其由捐納歲貢得

貞節堂袁氏鈔

官者仍須保舉方可與正途一體升轉所宜急更正者  
也竊意捐納事例總屬一時權宜願於收復滇南之日  
即 賜明詔概止不行使天下曉然於我 皇上澄  
叙官方之至意滇南平羣臣多稱頌功德公獨言聖人  
作易於泰豐既濟諸卦垂戒尤切願 皇上日切咨  
儆之心以成無疆之治勿徂目前之淺圖務培 國家  
之元氣因條其目以上公在臺時是非甚力事關八旗  
同僚多咋舌公引繩披根無所避時方重窩逃之令抗  
州將軍馬哈達請旗奴亡者得自勾攝勿關有司公不  
可曰是重擾民也當令督撫會同將軍京師姦人多掠

平民賣旗下故逃者日衆公請自今賣買必由地方正印官驗問給印契爲憑否者坐之八旗家人以自況及經死報刑部者歲至千人公請飭部定議驗有傷痕及一家中前後死三人者酌定處分下部議多從公請府部院寺筆帖式近三千人求開例捐納州縣官公不可滿大臣爲好言勸公公曰諸公既不以爲然予當別爲一議耳滿大臣不得已卒從公議其以京察大計處分者方謀入營復官亦以公言而止議罷侍郎項景襄留揖公曰微公正途無入仕望矣二十二年大計請令藩臬得面陳章奏上親加咨訪以觀其才令提鎮次

貞節堂表氏鈔

第八覲以肅朝綱嚴閭寄俱報可又請聽滿漢文武內外官遭父母喪一體離任守制并聽外官聞訃者即日奔喪母得候代治事先後疏劾福建總督姚啟聖巡鹽御史堪泰浙江副都統高國相候補御史蕭鳴鳳姚上疏引罪高交部察審兩御史者俱罷斥其年冬湖北按察使缺廷推副使王垓胡悉寧聖祖謂其皆山東人疑推者有私問之或言公所推也遂降三級用明年二月詔留史局專修明史其年秋公子樹聲與兄子樹屏俱中順天鄉試九卿磨勘當黜並請送法司質訊詔除二人名餘弗問二十五年考選科道掌中書

科者托萬以舍人王緝植咨送吏部緝植娶於公外兄  
所生女也幼嘗育於公于是左都御史董訥誤以爲公壻  
劾公實陰主之下部議革職 詔鐫四級番史局如故  
二十七年七月復左都御史上疏請禁科道官勿得交  
關督撫並結納諸大吏仍設建言牌俾輪班奏事又請  
停臺灣官販嚴海防劾兩淮巡鹽御史陶式王貪贖狀  
事多施行前御史李時謙表充美以抗直稱罷廢久至  
是論薦之時謙得復用十二月遷刑部尚書甫旬日改  
戶部故事銷算錢穀悉委書吏事關外省索賄動千萬  
公與滿尚書鄂爾多銳意釐剔勾稽出納一不假吏手

貞節堂表氏鈔

胥手時江南福建布政司庫缺銀四五十萬公請  
督撫歲一盤查禁有司勿得私派部費旋奉 命清理  
刑獄公語滿大臣減死諸囚發黑龍江者多不得存活  
宜復舊例仍發內地滿大臣以爲請從之二十八年五  
月拜文華殿大學士辭不允 命掌翰林院事尋充政  
治典訓平定三逆方畧一統志總裁官明年春直隸饑  
議賑公所薦御史李時謙條奏失 旨公自引咎降二  
級留任三月充 三朝國史總裁官公與兄原一俱好  
士延攬獎借如不及累散千金赴人之急然原一性豪  
放食客滿門下頗招權利致爲臺所劾而公介然謹禮

法慎擇人門庭肅然有沈生者公中表兄弟也嘗客公所一日從容言某總兵得罪出重寶求減死公能一援手乎公默然良久忽變色曰咄汝非好人速去毋污我遂擯沈生沈生窘夜投原一以情告原一曰諾在我而已已而總兵得減死公既以廷議數與滿大臣忤而會都御史郭琇之劾明珠也原一嘗陰風之明珠既罷相其黨徧布中外欲殺公兄弟以洩憤于是兩江總督傅拉塔劾公子樹聲樹本與原一子樹敏樹屏俱交結巡撫洪之傑招搖競利時原一既自刑部尚書免官歸公亦上疏求罷遂以原官致仕舟過臨清闕吏大索獨圖

貞節堂表氏鈔

書數千卷及光祿饌金三百而已公自領史局積勞氣逆上及歸數發三十年秋七月卒於家年五十八公所著有含經堂集若干卷明史稿未成嘗疏請準宋史益衛二正例以福唐桂三王事載於附傳其明末諸臣盡忠所事者直書無隱報可至乾隆初明史告成頗用其

例云

含經堂集有懷  
堂集沈紹文述